

開

化


府

志

冊 卷五

354109
136

136
15



兵防

師旅考安南國附

李德裕爲西川節度使圖西南山川道里於籌邊樓以知四郵險塞意深遠也開化三面距交歷代戰征皆取道於此勝負得失不可當兵鏡乎往者沙磧之亂全滇震動荼毒生靈豈偶然歟我

朝設立重鎮雄師勁旅棋布星羅以故盤道乾輩潛爲不軌旋就撲滅籌邊之策亦已畧見一斑矣子曰臨事而懼好謀而成專征闡外者又當知所慎也志兵防師旅考安南附焉

兵防

開化府誌

卷之八

兵防

漢制刺史郡守皆典兵武帝置犍爲毳又置西夷都尉後平西南夷置牂牁越巂二郡以益州刺史領之三國漢昭烈帝初設庾亮都督改益州爲建寧郡後主分建寧永昌更置雲南郡又分建寧牂牁爲興古郡以庾亮都督綏南中郎將總其兵

晉武帝初分益州之建寧興古等郡爲寧州又罷寧州入益州置南夷校尉成帝時分寧州置安州又置護南蠻校尉皆以太尉司徒大將軍大都督遙領之

隋文帝初置昆州後置益州總管領其兵

唐高祖初仍爲昆州後置檢校南寧都督寄治越巂太

宗置首領大將軍高宗初置郎州道行軍總管後又置姚州都督於昆明弄棟川元宗始置劍南節度使領兵事暹制之後爲蒙氏竊據

宋太祖以玉斧分疆後悉爲段氏據兵制無考

元世祖初置元帥府及總管分南北中三路又分中慶路爲三十七部竝設阿剌萬戶及捨資千戶尋改安南道防送軍千戶及強現三部王弄山大小二部諸管兵官

明太祖初設臨安衛指揮使司領捨資千戶所又設臨安兵備道督衛所諸土司兵

開化府誌

卷之八

兵防

二

本朝順治十七年設臨元鎮總兵官教化王弄安南三長官司隸焉

康熙六年設開化鎮時沙定洲餘黨王朔等叛吳三桂帥師剿平因置鎮於開化竝設府治

營制總兵官壹員轄中左右遊擊參員守備參員千總陸員把總拾貳員馬戰兵貳百肆拾名步戰兵玖百陸拾名守兵壹千貳百名

雍正七年添設參營各外委千總貳員外委把總拾貳員

乾隆元年以開化鎮兼轄廣羅協廣南營鎮標兵制仍

前

八年裁參營馬步兵伍拾名

十九年改左右營遊擊為都司

裁親丁糧拾名

統轄兵貳千參百肆拾名內防兵壹千壹百壹拾伍

名駐扎各汛

江那汛

城北七十里駐防中營把總壹員協防六詔外委壹員額兵壹百伍拾柒名設大路捌塘每塘

兵伍名小路捌塘每塘兵參名

滴水塘

城北十里又十五里至

二塘

五里至

三塘

二十里至

開化府誌

卷之八

兵防

三

一字橋塘

二十五里至

江那塘

本汛汛東北二十五里至

石洞塘

二十里至

乾河塘

三十里至

阿雞塘

十五里廣南交界

鏡卡塘

汛北九十五里又三十里至

芹萊塘

十五里邱北交界

者腊塘

汛東北三十里又二十里至

六詔塘

東二十五里至阿香北二十里至

上拱塘

二十里至

樹柰塘 十里廣南交界

阿香塘 自六詔分路二十五里又三十五里至

南坪塘 六十里至牛羊之蝴蝶塘

牛羊汛 城東百里駐防中營把總壹員協防天生橋外委壹員額兵壹百貳拾陸名乾隆四年新添馬

達汛磨山汛兵壹百伍拾名設拾肆塘每塘兵叁名設拾玖卡每卡兵伍名惟扣覽壹卡設外委壹員兵

貳拾名

石洞塘 城東十五里又十五里至

紅坎塘 十五里至

馬鞍山塘 二十里至

錫板塘 十里至

開化府誌

卷之八

兵防

四

保路塘 二十里至牛羊本汛東八十里至

西灑塘 八十里至

蝴蝶塘 五十里至

漫竜塘 四十里至

普元塘 二十里接馬桑卡

牛羊塘 牛羊汛南五里又四十里至

馬達塘 二十里至

老崖塘 以上三塘交阻邊界牛羊汛西五十里至

天生橋塘 二十里至

威龍塘 二十里至

牛羊坪塘 此塘南通交阡西接山車汛

馬桑卡 離普元塘二十里又七十里至

關稿卡 五里至

者囊卡 三十一里至

普竜卡 五里至

灑掃卡 五里至

扣覽卡 十五里至

竜困卡 十至

扣滿卡 二十里至

達干卡 十五里至

開化府誌 卷之八

奎布卡 一百六十里至

偏保卡 五十里至

樣色橋頭卡 四十里至

猺人寨卡 十五里至

下籐橋卡 四十里至

上籐橋卡 十五里至

老虎跳卡 二十里至

天生橋卡 十五里至

韭菜坪卡 十五里至

牛羊坪卡

兵防

五

馬街汛 城南一百二十五里駐防左營把總壹員協防

塘兵叁名設拾陸卡每卡兵伍名

禾木坎塘 城南五里又十五里至

溝絞塘 十五里至

枯木塘 二十里至

楊柳井塘 四十里至

大汛塘 十五里至

克夕塘 十五里至

馬街塘 本汛又自枯木塘分路三十里至

斗嘴塘 二十里至

開化府誌 卷之八

山車塘 此塘離馬街五十里

火燒地房卡 上接牛羊之牛羊坪卡二十里又二十里至

灣子箐口卡 二十五里至

箐口卡 十二里至

番山卡 五里至

城子卡 五里至

木兔底卡 三里至

新卡 五里至

冷卡 四里至

法支革大卡 三里至

法支華小卡 二里至

多羅卡 八里至

齧齧卡 八里至

竜那卡 十里至

小天生橋卡 二十五里至

憂雞卡 六十里至

猛蟒卡 二十五里下接八寨之腊兜卡

八寨汛 城西南一百二十五里 駐防左營把總壹員 協防箐口外委壹員 額兵壹百貳拾陸名 設陸塘

每塘兵叁名 設玖卡 每卡兵伍名

冲莫塘 城西南五里 又四十里至

開化府誌 卷之八

兵防

七

者安塘 四十里至

底泥塘 四十里至

八寨塘 本汛以上四塘係內地汛南三十里至

老八塘 二十里至

箐口塘 以上二塘交陞邊界

腊兔卡 汛東二十五里 上接馬街 汛之猛蟒卡又三十里至

大壩卡 一百二十里至

南西卡 六十里至

馬式克卡 一百里至

山腰卡 三十里至

漫昏卡 十五里至

漫期卡 十五里至

扎瓜卡 十五里至

漫我卡 四十里下接壩
灑汛之漫來卡

老寨汛 城西一百四十里 駐防右營把總壹員 協防麻
栗坡外委壹員 額兵壹百貳拾陸名 設拾塘 每

塘兵叁名 設伍
卡每卡兵伍名

所里城塘 城西七十里
又二十里至

王弄山塘 二十里至

小水田塘 三十里至

老寨塘 本汛汛西
二十里至

開化府誌 卷之八

閘門塘 十五里至

楊柳河塘 二十里至

麻栗坡塘 二十里至

鳴舊塘 二十里至

舍所壩塘 三十里至

呀拉冲塘 四十里接新
現之樂竜塘

南渣卡 二十五里上接壩灑汛
之白石頭卡又十里至

南竝卡 十里至

翁正千卡 十里至

大石頭卡 五里至

兵防

清水河卡 三十里下接新

新現沱 城西南三百三十里駐防右營把總壹員協防

塘兵叁名設柒卡每卡兵伍名

新現塘 本沱五

龍古塘 蒙自縣邊界

樂龍塘 城西北一百一十里

大多衣卡 三十里上接老寨之清水河卡又一百二十里至

蠻耗卡 一百里至

上田房卡 二十五里至

補支卡 五十里至

開化府志 卷之八

石頭寨卡 七十里至

薩烏迭卡 四十里至

地洗白卡 接交陞布都寨

壩灑沱 城西南四百八十五里駐防叁營千總壹員協防石榴紅把總壹員壩灑土著兵玖拾名設拾

壹塘每塘兵叁名設伍卡每卡兵伍名石榴紅兵陸拾叁名設捌塘每塘兵伍名按壩灑烟瘴極重之地

因官兵不習水土募土著人代之

所者白塘 城西南七十里又七十里至

那木果塘 五十里至

紅石崖塘 三十里至

灑卡塘 三十里至

百戶塘 二十五里至

大樹塘 三十里至

三岔河塘 三十里至

畫眉塘 三十里至

新寨塘 五十里至

漫老塘 三十里至

水卡塘 六十里至
壩灑本汛

漫來卡 四十里上接八寨之漫
莪卡又二十五里至

黃果卡 二十五里至

下田房卡 三十里至

開化府誌

卷之八

兵防

十

大灣子卡 二十五里至

白石頭卡 二十五里下接老寨之
南渣卡以上壩灑塘汛

法古塘 城西北五里
又三十里至

天生橋塘 二十里至

儂人河塘 十五里至

路梯塘 二十里至

湯壩塘 二十里至

紅甸塘 二十里至

石榴紅塘 汛房又二
十五里至

脚惻塘 阿迷
交界

附土練 乾隆八年沙匪侵交趾邊地詳請安設土練參

基阿腊下天生橋魯那羅却多羅法支革小卡法支

革大卡小馬白汎脚碑亭新卡木都迭城子翻山箐

翻山箐口猓妹清水河慢鏡董牛阿拉竜那竜昆貳

拾陸卡土練壹百陸拾伍名東安里威竜老虎跳扣

覽天生橋大營天生橋中卡天生橋河邊南謎老崖

老崖田房上籐橋南外對河灣子下籐橋八隘獠人

寨老寨偏頓鎖口山馬達罵馬南歐牛羊坪桂皮樹

牛羊坪坡頭南滾路口三家坡嶺貳拾陸卡土練壹

百柒拾伍名 乾隆十年裁土練壹百柒拾名仍留壹百柒拾名在

樂竜里新現甲永平里壩灑沿河邊界協同官兵防

禦 十四年裁新現土練玖拾伍名仍留柒拾伍名設拾

伍卡每卡伍名駐永平里壩灑河邊

南西卡 六十里至

馬式克卡 五十里至

漫止卡 五十里至

山腰卡 三十里至

河口卡 十五里至

漫期卡 十五里至

扎瓜卡 十五里至

漫莪卡 二十里至

壩灑卡 二十里至

漫來卡 二十五里至

黃菓卡 十五里至

老雷房卡 十里至

開化府誌

卷之八

兵防

士

田房卡 三十里至

大灣子卡 二十五里至

白石頭卡

師旅考

漢昭帝元始五年遣軍正王平大鴻臚田廣明等並益廣

明風鉤町侯共引大兵入滇斬捕伍萬餘級

成帝河平二年夜郎王興鉤町王禹漏臥侯俞舉兵相

攻遣大中大夫張匡持節解和興等不從命大將軍

王鳳從杜欽言薦蜀郡陳立為牂牁太守從吏數十

人行縣至且同亭召興至斬之衆遂釋兵俞禹皆震

開化府誌 卷之八

兵防

十三

恐降興妻父翁指與興子邪務收餘衆迫脅旁貳拾

貳邑復反立募諸夷與都尉長吏分將攻之時天大

旱絕其水道蠻夷共斬翁指持首出降至王莽時鉤

町侯弟承殺牂牁大尹周欽州郡擊之不能服三邊

蠻夷盡反莽遣平蠻將軍馬援發巴蜀健為吏士擊

益州出入三年疾疫死者什七莽徵茂還誅之更遣

寧始將軍廉丹庸部牧史熊大發天水隴西騎士廣

漢巴蜀健為吏民十萬人擊之始至頗斬首數千其

後軍糧前後不相及士卒饑疫三歲餘死者數萬人

不能尅而還

後漢安帝元初五年益州及蜀郡諸夷皆叛應封離至十餘萬遣中郎將尹就發蜀漢兵討之與蠻戰敗封離等乘勝破二十餘縣焚掠百姓千里無人帝徵就還令以兵付益州刺史張喬

六月十二日張喬遣從事楊竦擊封離等大破之離乞降三十六種皆降附

靈帝熹平五年諸夷叛執益州太守雍陟遣御史中丞朱龜討之不能尅朝議以爲郡在邊外勞師遠役不如棄之太尉掾巴郡李顥建策討伐乃拜顥益州太守與刺史龐芝擊破平之還得雍陟顥卒後夷人復

開化府誌

卷之八

兵防

三

叛以廣漢景毅爲太守討定之

三國漢後主建興元年六月益州郡耆帥雍闓殺太守求

附於吳又使部下蠻孟獲誘煽諸夷牂牁越巂皆叛

應闓 三年春三月丞相諸葛南征叅軍馬謖進曰

用兵之道攻心爲上攻城爲下心戰爲上兵戰爲下

願公服其心而已亮納之五月渡瀘七月至南中所

至皆捷由越巂入闓已爲高定部曲所殺獲收餘衆

拒亮亮募生致之旣擒使觀營陣復縱之更戰七縱

七擒猶遣獲獲止不去曰公天威也南人不復反矣

遂至滇池益州永昌牂牁越巂四郡皆平亮收其後

傑爲官屬出其貨物給軍國後軍南還夷復叛安漢將軍李恢身任撲討鋹盡惡類徙其豪帥於成都

隋文帝開皇十七年南寧夷爨翫反以史萬歲爲行軍總管討平之

唐憲宗元和十一年五月南詔寇安南時黃洞蠻屢叛邕管間連歲被兵南詔清平官王嵯巔遂乘釁東寇

武宗會昌六年九月南詔寇安南經畧使裴元裕敗之宣宗大中十二年南詔陷安南都護府時李琢爲安南經畧使苛墨自私以斗鹽易壹牛交人不堪命結南詔將段會遷陷都護府號白衣沒命軍南詔發朱弩

開化府誌

卷之八

兵防

四

佺苴參千助守

懿宗咸通元年十月安南都護李鄴克播州十二月南詔寇安南時李鄴屯武州爲蠻所攻棄州走以王寬代之

三年二月以蔡襲爲安南經畧招討使發諸道兵貳萬屯守南詔膽畏不敢出會詔左庶子蔡京經制嶺南忌襲功欲阻壞之乃言南方無虞武夫倖功多聚兵耗餽運請還戍兵襲執不可願留兵伍千累表不報卽極陳南詔伺隙久有十必死狀朝廷不省十一月南詔攻交州進畧安南襲請救發湖荆桂兵伍千

屯邕州詔襲按軍海襲請濟師以山南東道兵伍千人赴之

四年正月南詔攻益急襲錄異牟尋盟言繫矢上射入其營不荅俄而城陷襲闔宗死者七十人幕府樊綽取襲印走渡江督荆南軍入東郭苦戰斬南詔貳千級是夜蠻遂屠城蠻兵兩陷安南所殺拾伍萬人

有詔諸軍保嶺南

七年十月高駢克安南時駢次交州戰數勝楊緝思出戰敗還走城士乘之超堞入斬會遷呢些諾翁上首叁萬級安南平進駢檢校刑部尙書仍鎮安南

開化府誌

卷之八

兵防

五

宋仁宗皇佑元年秋九月廣源州蠻儂智高反寇邕州儂氏自唐初卽雄於西原世爲廣源州首領唐末交阯強盛廣源服屬之知儻猶州儂全福爲交阯所殺其妻改適商人生智高冒姓儂氏旣壯與其母據儻猶州建國曰大曆交人攻而執之釋其罪使知廣源州智高怨交阯乃乘間襲據安德州僭稱南天國改元景瑞因招納亡命貢獻中國求內附朝廷不許復奉金函書以請亦不報智高怒與廣州進士黃師密等謀據廣南乃數出敝衣易穀食給言洞中饑饉部落離散知邕州陳珙信之不設備智高一夕忽縱火焚

其居因給衆曰生平積聚今爲天火所焚生計窮矣當取邕廣以自王否則兵死衆從之遂率衆伍千沿江東下攻邕州橫江寨守將張日新等戰死詔江南福建等路發兵備之

四年秋七月儂智高陷昭州九月以孫沔爲廣南安撫使以狄青爲荆湖宣撫使督諸軍討儂智高

五年春正月狄青夜渡崑崙關大敗儂智高於邕州時寓人龍海基爲鄉導智高敗走大理廣南平

元憲宗五年合台率師平烏蠻諸郡凡出師三年平大理五城八府四郡烏白等蠻三十七部兵威所加無不

開化府誌

卷之八

兵防

夫

款服

六年合台以雲南平猷捷授銀印加大元帥還鎮大理以劉時中爲宣撫使赦段興智領諸蠻從合台征交趾屠其城經車里所部悉降

世祖至元元年東方諸蠻竝起衆至叁拾萬上命大理總管信苴日與大將討之

二十四年十二月鎮南王脫歡將兵征交趾克之先是正月發雲南兵同江淮江西湖廣三省蒙古漢券軍及海外四州黎兵討交趾置征交趾行尙書省奧魯赤平章政事烏馬兒樊楫叅知政事總之竝受鎮

南王脫歡節制十一月雲南省右丞愛魯兵次交陟木兀門其將昭文王以肆萬人守之愛魯擊破之獲其將黎石何英鎮南王次思明程鵬飛與奧魯赤等從鎮南王分道竝進阿八赤以萬人爲前鋒烏馬兒樊楫及程鵬飛等遂趨交陟所向克捷鎮南王次界河交陟發兵拒守前鋒皆擊破之次萬劫諸軍畢會十二月鎮南王次茅羅港攻浮山寨破之以諸軍渡富良江次交陟城下敗其守兵陳日烜與其子棄城走敢喃堡復走如海鎮南王以諸軍追之不及引兵還交陟城諸將以糧盡師老宜全師而還鎮南王從

之

二十五年三月鎮南王次內傍關賊兵大集以遏歸師遂由單巴縣趨益州間道以出次思明州命愛魯引兵還雲南奧魯赤以諸軍北還日烜遣使來謝進金人代已罪

成宗元貞二年三月捨資殺掠邊境梁王命怯薛丹等討降之

明洪武十四年命潁川侯傅友德爲征南將軍永昌侯藍玉西平侯沐英爲副將軍從征雲南元梁王下檄徵兵龍者寧率部兵應調至陸涼羅雄界料天命有在

聞王師至普安者寧有歸服之念恐官兵謂達里麻細作不信適潁川侯傅友德西平侯沐英傳檄各土酋首先歸附者許其世業者寧喜曰吾得生矣卽領部兵由山徑小路赴轅門歸服反戈攻達里麻後破大理等處通話順撫諸夷歸服協從征伐廣南富州擒獲賊首沈玄金殺賊不計名數

永樂三年捌百土酋入寇西平侯沐晟出次蒙自蠻遁去督兵窮追斬其酋以徇

四年七月命沐晟以左副將軍同新城侯張輔分道伐安南先是安南國王陳日焜爲其臣黎季犛所殺

日焜之孫陳天平間道由雲南奔懋京師季犛卑辭表請天平還國上遣都督黃中等送天平歸季犛伏兵殺天平中等引還遣將分道出師晟奉命由野蒲伐山通道先驅入安南奪猛烈棚華關隘築堡駐師以造舟分遣諸將出宣光江口舁舟夜至洮水沂流力戰連舟爲浮橋濟富良江與大軍會合攻多邦城柵破之遂擣東西都及盤灘諸處時龍者寧奉調從征作鄉導直抵巢穴撫獲交王陳日焜歸服准敘功加雲南衛指揮職銜

師宗元江富州維摩諸蠻叛指揮僉事沐昇皆以計

擒之

五年五月張輔沐晟連敗賊兵所至如破竹黎季犛父子走海上追至日南奇羅海口悉就擒械送京師安南平得郡四十八縣百八十六戶三百十二萬五千九百遂置交趾各官晟還朝進封黔國公還鎮雲南時龍者寧奉西平侯沐晟征調從征新城侯張輔取雲南弓手從都督柳升攻賊龍者寧同李廣等奮勇當先擒黎笏等有功張輔沐晟奏聞許進京引見上命禮部造印章立長官司衙門直隸布政司管轄六年八月交趾酋簡定反命沐晟發雲南貴州四川兵數萬往征之仍命兵部尚書劉儁往贊軍事十二月沐晟帥師與簡定戰於生厥江敗績兵部尚書劉儁等死之

七年八月命英國公張輔與沐晟合兵討交趾獲簡定等檻送京師伏誅

九年正月命征夷將軍沐晟同副將軍張輔討交趾陳季擴勅雲南及四川等省兵貳萬肆千隨征季擴簡定所立僞王也

十一年十二月沐晟與張輔合兵敗交趾賊於愛子

江

十二年正月沐晟等師至老撾三關執陳季擴以歸
誅之時交兵入犯維摩晟檄土司沈啓後禦却之
宣德二年交趾黎利叛攻陷郡縣成山侯王通棄守交
趾率師還黎賊勢甚猖獗雲南大驚命沐晟爲征南
將軍同安遠侯柳升等由雲南分道進討沐晟以龍
宜有勇畧因地有洪衣關隘責宜把守恐長官司權
輕交夷藐視具奏准龍宜加世襲四品服色把守洪
衣關隘滇東賴以全安

正統六年維摩州蠻韋郎羅作亂自稱廣新王驥遣指
揮萬瑛擊之郎羅懼逃入安南驥檄示福福安南人

開化府誌

卷之八

兵防

三

斬其首來獻驥等班師敘功

嘉靖十四年乙未交人武嚴威背叛交國欲附大朝詐

以求通上司爲詞請土司龍徹中途相會徹信之與

嚴威會於頗三作

地名

嚴威攜龍徹南去先是交趾莫

王遣西道總管翁左西率兵攻逐武曾奔入山基山

車

二寨名開化所屬

交兵由經托

地名

至雅餽金銀數千與徹

詢以嚴威避處徹却之不受佯言不知交兵回武曾
得免其難至是武曾狠性恩以讎報惜哉

十七年四月勅雲南鎮巡會討安南時安南莫登庸
父子逐其主篡位上命咸寧侯仇鸞討之兵部尚書

毛伯溫叅贊軍務雲南巡撫汪文盛以蓮花灘當交廣水陸衝遣兵處其地以爲來歸人聲援

十九年六月毛伯溫等至廣西徵集各省兵并檄雲南守臣集兵候師期議雲南兵於蓮花灘分三哨哨各兵貳萬壹千人以副使倪象賢等監督布政胡宗明等督餉黔國公沐朝輔巡撫汪文盛經畫既定馳檄安南臣民諭以大義又諭登庸父子果能納款歸命亦待以不死而伯溫等駐師近邊登庸聞之大懼遂面縛詣軍門降時土司龍古進征蓮花灘擒獲水尾州僞知州斐行檢僞同知杜文勵阮基等解赴征

開化府誌

卷之八

兵防

三

夷總制毛伯溫等軍前論功陞賞及登庸詣轅門降詔降安南國爲都統司龍古因擒斐行檢爲交夷深恨適教化頭目白阿沙投交岡武文淵受僞官清軍營總兵歸義侯職以馬匹納文淵構兵侵犯攻逐龍古古奔入普迷至岑洗坡其子龍敬奔史拱交兵追之部民據險矢石交下交兵退得免

萬曆二年二月鄒應龍沐朝輔移兵東征臨安王弄山猓獍等夷平之

五年廣南儂酋叛巡撫王凝會黔國公沐昌祚撫定之時交兵犯法土竈土司沈忠馳擊交兵退守安邊

三十四年正月交岡武酋大舉兵犯邊界土司龍勝安在教化犒軍子上登聞交兵至往高坐地守之交兵擁衆數萬象十餘條勝安敗走時安南沙河在阿雅上登謂河曰汝可拉父兄兵助我河遣人請兄沙源兵入援以充前隊得勝欺敵交兵齊起踴躍而來沙兵北走勝兵大敗阿雅陷十月交兵攻犯五邦五畝臨安兵備道檄王弄教化土司截交兵要路上登領兵守蓮花灘

三十五年二月戊戌安南武德成犯邊總兵官沐濬禦却之

開化府誌

卷之八

兵防

三

三十六年交兵侵麻底陷之

四十年交岡武氏遣僞官阮福詠誘殺牛羊儂繼武牛羊人齊起鬪殺交兵遁去

四十五年五月交酋謹國公同弟南郡公錦郡公等統兵壹萬攻高坐又遣東岳公平郡公領兵伍千出牛羊攻教化土司龍上登以計禦之殺都督一員擒獲甚多自是交人議和數載罷戰邊夷得以寧息

四十八年建水土酋刁春琪勾交吐兵入犯攻破五邦等地王弄土舍沙源率衆堵截勝之斬其僞侯伯三人

天啓二年二月霑益土婦設科等叛巡撫沈敬煥便宜
起土司沙源等馳救擊走之是時寧州土司祿永命
阿迷土司普名聲石屏土司龍在田武定土司吾必
奎等俱以巡撫檄率調土兵從征力戰有功設科等
復入陸涼境焚劫各鄉知州郭俊義戰敗被殺

三年正月新撫閔洪學至滇遣兵攻羅平復之安應
龍走霑益洪學復分遣沙源吾必奎等率兵討賊漸
次恢復

崇禎四年辛未普名聲反巡撫王伉統滇黔蜀兵暨土
司吾必奎等屯臨安討之初馬者哨舊有土舍普柱

開化府誌

卷之八

兵防

三

數與寧州祿土官讎殺不休卒爲祿氏所滅名聲乃
普舍青童壯而狡僧多詭譎屢建捕寇軍功遂冒普
姓頂馬者哨土舍業水烏之亂與沙源吾必奎等俱
奉調率兵破賊有功旣而隨御史傅宗龍援黔及宗
龍以內艱歸名聲亦回授阿迷土知州日益驕蹇後
巡按御史趙洪範至臨安名聲率兵逐之戈甲旗幟
列數里洪範惡之貽書巡撫王伉謂其養靡先是名
聲欲反部下兵頭何天衢不從一面陰遣人約廣南
土知府儂紹周共擒名聲一面申報撫司密將名聲
差往鎮守之兵縛解赴省伉議年給天衢餉壹萬貳

千權加遊擊銜提防督變會洪範書至衆議請剿時
寧州土官祿混與名聲互訐人傳仇欲剿名聲名聲
懼乃詐爲祿土官家人訴名聲於仇以覘虛實仇果
有卽討之言名聲遂反仇奏請檄調黔蜀兵會討以
右布政使周士昌監軍擊名聲敗之進圍阿迷名聲
使人以重賄誘吾必壑復使其下僞約降王仇遣名
聲故交莊承差往諭名聲留之佯使人告急且密語
左右曰官兵四至皆不慮但從某箐入甚爲可憂莊
得名聲語歸告仇仇不知爲計遂遣將朱永吉往攻
某箐伏發必壑賣陣先走全師皆陷士昌歿於陣永

開化府誌

卷之八

兵防

十四

吉亦力戰死名聲犯臨安叅將溫如珍卻之事聞逮
王仇及巡按趙洪範時名聲戰勝仍巧詞乞撫當道
懲前事不復置討

五年晉名聲死初名聲叛當事議撫名聲勉強從之
未幾命內監同廣西知府張繼孟假賚賞至阿迷名
聲出迎相與款洽數日臨別置毒檳榔各分食其半
是夜名聲中毒暴死按馮再來滇考云內監下毒考
阿迷州志故老傳聞皆云廣西
府通志謂名聲叛兵頭何天衢不從反
正自効名聲移兵攻之中砲死說近誤其妻萬氏擁

衆聚阿迷州

六年巡按姜思睿議撫萬氏所遣輒被殺廣西知府

張繼孟單騎入賊營諭以利害萬氏遂降按萬氏原
江西客民女初名聲娶妻龍氏爲教化長官司龍桐
妹後往省娶萬氏回日加寵愛將正妻龍氏害死詭
計陰謀內外把持頭目兵衆憚不敢言生子普福元
性惡嗜殺酗酒縱淫數年卒爲手下人所殺萬氏肆
虐橫行侵奪隣郡迺東諸司惟命是從自名聲死後
日選頭目侍寢不如意輒殺之不計其數陸童沙奴
迫美姿質萬氏贅之未幾奴迫懼禍且不能如其欲
復贅洪甸土舍沙如錡將兵攻奴迫奴迫自縊如錡
亦恨萬氏慘刻又傷堂弟奴迫死於無辜因暗遣人

開化府誌

卷之八

兵防

五

控訴撫司許如錡便中拏解無何事洩萬氏暗害如
錡於內室佯言如錡病故撫司亦不能究問又贅霧
露結土舍老更數日逐之又贅阿雅司龍上登長子
龍祚長祚長避不敢出復贅龍桐桐畏其勢恐忤意
曲從之年餘遂與定洲通仍遣龍桐歸大教化自是
連歲用兵土司龍上登卒爲萬氏所逐龍桐亦潛逃
河外矣古寨先是萬氏欲攻入寨教化無由起釁遣
頭目趙奴賣至雅連上登起兵據省城
以覘上登順逆上登曰我本漢臣數百年受國家
厚恩累代敵攬交南恨無尺寸功何忍從逆以遺萬
世罵名卽將奴賣縛送臨安至底泥奴賣懼因自刎
死萬氏切齒遂誘古木龍元祚作內應發兵攻上登
兵分三股一出史拱一出三板橋一出茂底河上登
勢莫能支遂攜妻子奔交趾尋染瘴死龍桐亦死

本朝順治二年十二月安南土酋沙定洲反按定洲源次子源爲安南司據老寨諸土司中沙氏最強萬曆間何起龍據新現稱那代司諸多不法沙源以計滅之遂有其地會迤東有猖民之亂流入蒙自縣劫虜雞街倘甸沙甸等村落時蒙自無武備恣其焚掠而去後蟻聚於歪頭山左右觀望蒙人請源兵入援道遠後至猖民已去源從間道襲其後大破之斬獲千餘追至石屏而還天啓元年交趾擁兵數萬犯邊連結八營陳於龍古時源在新現今其弟清從間道破其中堅擒賊帥翁董俘斬二千有餘所獲甲帳無數當

開化府誌

卷之八

兵防

美

事嘉其功爲奏請給安南司印始以新現城酌之時祿重溺於酒色盜賊肆出不能馭衆其目把李輔舜等叛歸於源源以兵乘之遂破土官村祿君恩勢孤遁歸寧州於是蒙自諸土司盡敗亡而沙氏益強後貴州土官安效良等爲亂入寇雲南源奉調征之戰於交水不勝賊徑走會城源星夜入援遇於嵩明楊林間大破之嵩明人德之立祠以祀沐鎮爲奏請授宣撫司印是年沙清之子如玉調守晉安州僅以兵百餘人哨探江西坡安效良以兵數萬人圍之如玉奮勇擊賊賊大潰積尸滿江西坡谷滇省賴以少安

然如玉恃功驕肆止授都司銜後贅於阿迷而死未
幾源亦死子定海立沙氏勢少衰會普名聲死其妻
萬氏悍而淫據名聲餘衆虎視迤東先招定海爲贅
婿已復殺定海而贅定洲定洲時年未滿二七與其
子普福元同歲月生福元嘗醉後宣言必殺定洲萬
氏屢以身護庇之得免後福元死定洲乃出視事自
是兼有安南阿迷之衆復併吞夷地西自元江南連
交阯東抵廣南北至廣西綿亘數千里稱兵二十萬
惟待有隙而動時當天下多事中原鼎沸李自成據
山陝張獻忠據湖川文武將弁惶惶無所適從到處

俱閉關自守定洲萬氏嘗有竊據雲南之意秣馬礪
兵訓練死士各屬亡命紛紛投入撫按三司亦與萬
氏賓禮往來惟沐鎮天波恃爲十八土司之長稍稍
節制定洲深啣之適吾必奎反天波調定洲赴剿八
寨教化土兵多從之者及沙兵未至必奎已被官兵
擊敗撫軍吳兆元遣使止定洲回不從逗留城外陰
結天波左右爲內應以是月朔入城辭行仍假傳撫
軍令擒國賊沐天波變起倉卒沙兵數千擁入天波
由小竇出西城太夫人陳夫人焦俱自焚死天波遂
奔楚雄定洲因盡得沐氏所有據省城刼巡撫吳兆

元爲題請代天波鎮滇又至祿豐執家居詹事王錫
衮置貢院脅之與兆元傳檄各州縣凡要隘之處用
兵頭一人叢色二人主文一人率兵數百守之又設
總管總統等名目府州縣衛事必咨啓而後行一時
四方流民纏包頭左衽侏儻假名叢色好漢魚肉良
善者所在多有後聞天波在楚雄自率衆追之是時
楚雄新爲吾必奎所破金滄道副使楊畏知奉調監
軍至楚雄人留之畏知遂駐楚雄聞定洲西出與天
波計守禦之具未集曰公在楚賊以全力聚攻城必
破公不如西走永昌使楚得爲備賊卽西追恐楚襲

開化府誌

卷之八

兵防

天

其後留攻楚又恐公從西來首尾牽制上策也天波
從之定洲至楚雄門閉不得入爲畏知所給遂去遣
其黨王朔李日芳等分攻大理蒙化陷之屠殺以萬
計又圍武定推官陶光印固守攻四十餘日乃去
三年定洲復攻楚雄時賊恐畏知截其後路又聞迤
東祿永命龍在田等各自守因不敢至永昌撤兵還
竭力攻楚雄楚雄守具已集屢攻不下畏知視賊懈
輒出奇兵奮擊前後所殺甚衆圍數月賊稍稍引去
東攻石屏石屏守堅復回攻寧州破之

定洲復攻楚雄時定洲既陷迤東祿永

縣又引兵而西分爲七十二營每七營各爲一大營
統之環楚城鑿濠三重爲久困計畏知竭力固守經
八十餘日糧盡援絕幾不能支會流寇張獻忠死餘
黨孫可望李定國劉文秀艾能奇率殘兵由遵義入
貴州龍在田使人告變且勸其至滇可望因詐稱黔
國焦夫人弟率兵來復讎三月可望等入滇定洲遣
大兵頭數十領兵數萬往援曲靖戰敗被擒數百人
皆割去耳鼻手足放回夷人性多怕打不怕殺怕痛
不怕死見同類傷殘之狀無不股栗膽喪逃散思歸
乃解圍去

開化府誌

卷之八

兵防

无

六月孫可望等破曲靖及交水俱屠之執巡按羅國
獻聲言欲搗定洲巢穴屯兵蛇花口萬餘五鼓時分
將接戰沙兵誤中地雷之術化爲灰燼皆以爲天兵
莫能抵敵定洲時自楚雄還省城聞之大懼遂殺故
詹事王錫衮於貢院焚南城樓遁走臨安可望知定
洲走卽由陸涼宜良趨省據雲南城

五年八月李定國擒沙定洲及萬氏初定洲走歸臨
安屯兵俾革竜與萬氏營狡兔之窟分險自守其下
湯嘉賓陳長壽等各據一山立營相去數十里爲犄
角之勢私通交趾借其援以固結蠻心適萬氏妹爲

湯嘉賓妻病死定洲等會集嘉賓營定國偵得之率
兵遽至圍以木城困守三閱月絕其水源諸蠻懼出
降者相續遂械定洲萬氏等數百人回省磔於市時
沙普餘黨溪烏石洞王朔蒙自李日芳法土竜沈氏
教化龍昇霄古木龍元祚後先赴俱革竜投城俱各
授僞職

九年二月大師取廣西明宗室由根奔廣南可望安
置於安籠所初可望既禽沙定洲自以無名爵難於
號召滇黔聞由根稱僞號廣西遣使請封乃僞封秦
王尋以僞將軍賀九儀譖執楊畏知殺之至是由根

開化府誌

卷之八

兵防

三

奔廣南可望安置於安籠

十五年十二月大師三路會於曲靖迤東各郡皆歸
附

康熙四年三月迤東土酋寧州祿昌賢新興王耀祖嶧
峨祿益王揚祖王弄王朔蒙自李日森李世藩李世
屏八寨李成林糾合納樓普率教化張長壽枯木龍
元慶倘甸葉向陽葉正昌石屏龍韜龍飛揚路南秦
祖根陸涼資洪彌勒昂復祖維摩沈應麟沈兆麟王
承祖王義王先任王先倫等謀叛衆至數萬攻臨安
陷蒙自嶧峨寧州易門圍彌勒通海石屏宜良等州

縣各郡震動先是吳三桂縱部人凌虐蠻裔激怒諸酋長欲西南時有小警久固高位至是三桂征水西駐師烏蒙訛傳其死諸蠻相率叛三桂聞變自水西遣王輔臣援彌勒趙得勝援石屏賊遁去時教化土司張長壽強龍昇霄等從軍初至歪頭山與阿迷李阿側抵敵數日同至邱北長壽戰歿於軍昇霄逃回教化

四月吳三桂自烏蒙回師同總督卞三元提督張國柱分剿蒙自新興邱北王弄山法土竜牛羊八寨等處時三桂師次王弄山連營十二諸夷望風而靡

開化府誌

卷之八

兵防

三

七月禽王耀祖祿昌賢王朔張長壽李成林李世藩李日森沈應麟龍元慶儂得功悉誅之

詔撫其餘黨李世屏晉率勢窮來降悉寬其死時李日森妻割髮換

肉啗夫不受辱死龍元慶妻資氏于歸未久不得其夫至是能盡婦道環侍不懈隨殉夫死

十二年十一月吳三桂反開化鎮總兵高起隆應之初三桂潛謀不軌表高起隆鎮開化借交趾為聲援收畜亡命久有異志適奉

命搬移家口逆黨胡國柱郭狀圖等密畫於內馬寶力贊於外高起隆張國柱王屏藩等應之遂使吳國貴為前鋒徑寇辰沅至荆江使王屏藩由蜀寇漢中夏國

相寇江西又糾廣西孫延齡馬雄廣東尚之信貴州提督李本深福建耿精忠等同反時起隆鎮開化勒派八里土兵土舍沈錫麟周應龍等率兵從之各授僞守備職應龍隨至湖廣硃口知吳逆無能爲反正自効殺賊甚多錫麟亦赴征南將軍賴軍前投誠大帥平滇後改授應龍世襲土經歷錫麟等陞賞有差二十年高起隆等潛聚於廣南 大師分路搜討擒高起隆磔於市
四十二年廣南陸尚賢叛檄開化鎮遊擊率官兵三百剿之伏誅

開化府誌

卷之八

兵防

三

四十六年檄開化鎮遊擊率兵三百協剿貴州三江儂苗

雍正二年開化鎮守備史應貴領兵二百協征西藏

六年六月開化鎮總兵南天祥領官兵駐防查木道時西藏噶隆拉布巴等殺康濟鼎其康濟鼎下頭目波羅鼎帶兵報讎戰鬪相持

命雲南及川陝二省大員領兵往藏安頓

九月開化鎮遊擊徐成瑱領官兵四百協征普洱江

壩

八年烏蒙夷賊陸萬福叛檄開化鎮守備朱傑千總

張朝輔艾南昌把總倪大任先後帶兵一千名協征
十年守備張接天胡大勇先後領兵一千出師石屏
元普橄欖壩等處

乾隆五年沙匪矣長與安南王互相爭殺邊地告警雲
貴總督慶復檄副將董芳率臨元廣羅等處官兵協
同本鎮官兵沿邊堵禦隨諭矣長至馬白關解省安
置

八年沙匪不法開廣鎮中營遊擊趙國盛帶兵三百
名守備郭毓宗帶兵二百名前往馬白關桂皮樹等
處巡防堵禦

十四年遊擊劉德成朱璣帶兵三百名出師金川

十八年三月盤道乾僭號盤王以漢奸何盛烈爲謀
主藏匿交邊傳布符帖戳印玉帝兵三字約四月十
五日會齊梅子箐奪馬白關進攻開化經開廣鎮總
兵張凌霞知府覺羅彰古禮先期撲拏解省正法梟
示

三十一年正月普洱莽匪不法奉調開廣鎮官兵前
後六百一十名都司那蘓泰暨兵丁十名陣亡額外
李定國漆開基暨兵丁二百二十一名瘴故

是年八月出師永昌調開廣鎮官兵六百一十一名

都司徐斌把總林疏貴暨兵丁十八名陣亡千總王
敖因傷亡故守備德保千總陳金暨馬兵十五名戰
守兵一百一十五名因瘴病故二處交兵迷失把總
李玉額外委洪文炤及兵丁二百零三名陸續奉
遣回營弁兵八百二十四名餘均於三十八年撤回
五十三年秋八月外藩安南國王黎維祁被該國屬
下阮惠將黎城佔踞黎維祁帶領陪臣由廣西省鎮
南關奔入廣西泣訴經兩廣總督孫士毅具

奏奉

高宗純皇帝諭旨安南國黎維祁素爲恭順一旦流離失

開化府志

卷之八

兵防

三三

所豈忍坐視著兩廣總督孫士毅廣西提督許世亨
帶領鎮將兵練由鎮南關出口剿除阮惠并着雲南
提督烏大經帶領官兵三千協力會剿嗣雲貴總督
富綱奏請准其與提督烏大經帶兵往征共調兵五
千陸續到開化出馬白關由都竜南山安邊一路而
進總督富綱紮營安邊提督烏大經帶兵行至宣光
得悉兩廣總督孫士毅提督許世亨已將黎城克復
黎維祁業已回國卽將滇兵紮於白鶴江提督烏大
經進黎城會商撤師不意阮惠乘歲暮除夕之際整
頓夷兵象隻衝鋒而來黎維祁仍復奔逃粵兵力難

抵敵兩廣總督孫士毅卽行退出富良江雲南提督
烏大經亦隨退出飛趕滇兵無如滇兵未至而廣西
提督許世亨總兵李化龍尙維昇等奮力禦敵俱已
陣歿繼兩廣總督孫士毅將黎維祁以人心渙散情
節據實具

奏請罪奉

高宗純皇帝諭旨着令忠銳嘉勇公福康安馳驛來粵查
辦黎維祁哀泣不敢回國情願將安南國地土歸入
天朝而阮惠具表叩關訴其黎維祁平日妄殺臣民不能
仰膺藩封前已具表督撫不肯轉達

開化府志

卷之八

兵防

三三

天聰經大兵臨近以致抵觸軍威官兵業於富良江立祠
供奉邀懇

大皇帝矜全賞示亡故銜名敬遵入祀等情轉

奏奉

高宗純皇帝諭旨黎維祁懦弱無能難守疆土着送京賞
以佐領隨從陪臣賞以驍騎校等職隨從跟役賞給
月糧入於鑲黃旗安置至安南國土得之設立郡縣
徒事冗費不置重辦阮惠旣知具表悔罪安南國土
卽着賞給不必再舉大兵等因欽此各路官兵遵卽
撤回訖嘉慶六年內阮惠被阮福映等所滅經阮福

映表奏阮惠接年窩盜搶劫洋商大爲外域之害是以剪除仰荷

仁宗睿皇帝諭旨着將安南國改爲越南國賞給阮福映管理自此中外綏靖行商無虞漸知王化矣

六十年閏二月黔楚苗匪不法調開廣鎮官兵三百一十一名

嘉慶元年二月調開廣鎮官兵五百一十二名

二年羅平狃苗不法調開廣鎮官兵二百四十五名三月邱北夷匪作亂調官兵五十一名又調官兵二百零二名四月總兵札郎阿帶官兵七十六名征廣

西七月興義狃苗不法調官兵三百五十三名本年四川教匪犯順由黔楚原調開廣鎮官兵二百一十六名進征川匪均於八年內事平撤回先是雲貴總督勒保駐札黔省籌辦軍務檄調開化官兵一千二百名出征馬白沿邊儂匪王老念勾稽東安里儂養全潛窺守城兵寡夥黨作亂燒燬馬白山車牛羊天生橋等汛房殺傷兵民勢甚猖獗署文山縣史紹登兼署蒙自縣時在蒙自聞報星夜趕回開化府城會同總兵札郎阿帶領本鎮兵丁史紹登僱募練勇多名分路剿捕巡撫江蘭來開督辦調及臨元廣南廣

西官兵紳士齊力搜剿賊首王老念斃命儂養全死於鎗下餘黨全行拿解正法邊地肅清

八年正月維西猓匪恒乍緦等不法調開廣鎮官兵三百一十名九年事竣撤回

二十二年正月臨安江外窩逆高羅衣等不法雲貴總督伯麟檄調開廣鎮官兵前後八百二十八名總兵伊昌阿帶領官兵五十一名赴文山縣江外交界堵剿境內得安是年事竣撤回

二十三年二月臨安江外窩逆高羅衣之子高老五馬哈雜等復行叛逆調開廣鎮官兵前後七百五十二名是年事竣撤回外委何其璿額外陳起發恩騎尉林玉及兵丁一十八名瘴故

附

安南國紀畧

安南國東界廣東東北界廣西思明西界雲南開化府西南界老撾卽古哀牢南插入大海中通占城羣獠雜居椎髻跣足性輕悍以富爲雄役屬貧弱其地多暑男女好浴於江善舟便水其產多魚鹽金沙珠璣玳瑁之屬秦時置象郡以謫卒戍之後爲南越王趙佗所併漢武帝中平南越以其地爲交阯九真口

用桓故事授公蘊交趾王再傳口尊僭稱帝改元坤
武子乾德繼之尤諄謾熙寧間交人叛陷欽廉又陷
邕州殺守臣蘇緘屠其民五萬餘上從王安石議詔
以郭達爲招討使趙高爲副討之二將相左至富良
江不敢渡官軍八萬死者什六僅得四州一縣而還
乾德乞再修職貢還所奪州縣從之自端拱迄嘉祐
兩江州尚數爲蠻所侵以其僻在海隅不復與較自
是益鴛鴦不可制矣傳十一世至吳昌無子壻陳日
照遂有其國傳子光昺元世祖平雲南光昺上表奉
貢遂封爲王光昺死子日烜自立世祖召入覲稱病

不朝命鎮南王脫懽征之日烜空其國航海而遁追
襲於海敗之會盛夏軍中疾作霖潦瀑漲議者請班
師懽弗能奪遂還二十三年詔發江淮蒙古雲南黎
兵九萬水陸竝進日烜及其子復走入海鎮南王追
之海口不知所之諸將恐師老糧盡議全師還日烜
分兵以遏歸路鎮南王由間道歸日烜率子日燿遣
使來貢時復謀大舉從平章不忽木議中止皇慶二
年交趾犯鎮安歸順二州殺掠數千人中書省詰責
之安南飾詞以謝因飭邊吏毋令侵越自是貢獻不
絕明太祖興安南陳日燿遣使造貢封日燿爲安南

王燿卒日燿嗣其兄叔明逼死之自立奉表貢馴象
禮部詰之使者具言日燿爲叔明逼死故托貢以覘
上意上惡其狡獪却之七年叔明自稱年老以弟熾
代熾卒弟熾襲叔明仍專國政叔明卒國相黎季犛
廢熾尋弒之季犛叔明壻也立叔明子日焜主國事
次年弒日焜立其子顥復弒顥立案弒案奪其位詭
姓名爲胡一元子蒼易名奩僞稱日焜奉貢永樂初
季犛又詐稱陳氏絕奩陳氏甥求署國事上不虞其
詐許之踰年日焜孫陳天平間道由雲南走愬京師
上遣使責之黎季犛詭詞謝罪請天平還國上遣都

督黃中呂毅大理鄉薛崑等送天平還旣入境季犛
劫天平格殺之崑亦死中等以聞上大怒決意討之
命西平侯沐晟新城侯張輔分道竝進輔入安南破
隘留雞陵等關沐晟率雲南兵與輔合遂進克東都
西都乘勝長驅引兵出奇羅海口擒黎季犛安南平
置交趾三司以都督呂毅黃中掌都指揮使司領十
七府四十七州一百五十四縣衛十所十三市舶一
選文武諸臣守之張輔等班師各進爵有差六年交
趾餘黨簡定反沐晟討之戰於生厥河敗績復命張
輔往征時賊黨阮師等推簡定爲僞上皇別立陳季

死子濬襲天順三年濬爲庶兄琮所弑國人討平之而立濬弟灝時太監汪直用事議討之傳旨索永樂中調軍數劉大夏在職方故匿其跡中止弘治中灝死子暉襲暉死子敬立未封而死弟誼襲正德初誼母戚阮种用事屠戮宗親逼誼自殺國人黎廣等討平之立灝庶子暲時安南謀蠶食占城上聞諭禁之侵盜如故已而中國人多潛入安南臨安諸郡所在有彛賊矣於是撫臣屢請增文武吏士控制彈壓然交人侵奪處處有之亦不能禁時暲弱懦羣下專權虐政暴征國人怨之十一年社堂燒香官陳嵩作亂

殺暲詭爲陳氏後曾日莫登庸者本都齋漁人有勇力暲以爲都力士亦叛降嵩尋復與黎氏大臣阮弘裕共立黎誨爲主而攻敗陳嵩時誨方十歲兵柄在登庸掌握黎氏臣鄭綏以登庸不臣誨擁虛位乃復立其族子西榜爲主登庸攻鄭綏捕西榜殺之十六年登庸率兵攻陳嵩嵩敗死登庸自稱安興王謀殺誨誨走清華依鄭氏鄭氏安南世臣誨母妻族也登庸立誨庶弟應爲王嘉靖三年登庸冒誨名入貢求封四年黎誨遣人請兵救援俱不能至六年登庸使國人范嘉謨僞作應禪位詔遂篡之立子方瀛爲僞

太子尋殺慮九年登庸禪位於方瀛自稱太上皇退居漁陽海隅爲方瀛外援擅作大誥五十九條秋黎諲卒於清華鄭江黎垞等共立黎寧爲嗣十五年黎寧差頭目鄭惟僚泛海至京惟僚有志操能文章歷奏登庸僭逆之罪爲書引申胥豫讓張良爲此讀者悲之是年以皇子生先議頒詔諸蠻禮部尚書夏言奏安南不貢逾二十餘年宜罷使上命潘且覈其罪狀及寧奏至遂下廷議命毛伯溫爲兵部尚書便宜撫勦潘且疏莫氏奸雄之賊黎氏逆利之裔皆非所宜立如以蠻方處之則元昊可爵不義可侯而黎利

可王也二氏分爭宜靜以觀其變與廷議不合因詔旦還以侍郎蔡經代之是時登庸聞廷議興師遣其黨范正毅齋公移詣雲南言前國王黎暲被逆臣陳曷殺害無子登庸同國人推立暲弟諲諲被奸人杜溫鄭綏誘遷清華登庸仍推立諲弟慮旋自清華迎諲歸與慮俱以病死黎氏無嗣慮垂死與羣臣議以登庸父子有功於國付以印章命主國事遂爲國人所推其不上表通貢者先緣陳昇據諒山爲梗後乃守臣閉關不納耳黎寧乃亂臣阮塗之子冒稱黎姓非諲子也其所自列如此然事皆誣罔多自飾黔國

公沐朝輔以聞未幾方瀛死以福海嗣之登庸密遣使輸情於廉州守張岳岳白毛伯溫令束身軍門歸地繳印去僭號上乃降安南國爲安南都統使司以登庸爲安南都統使從二品給印章子孫世及改漁陽山南十三路各設宣撫使乃令守臣勘黎寧果否黎氏後授與清華等四府以承祖祀制下登庸已死伯溫等請以制命授其孫福海從之二十五年莫福海卒子宏瀛方五歲國多亂又五年始襲時黎雖居一隅而黨類實繁黎寧死其臣鄭檢立其子黎寵檢惟僚之子也寵死復立黎暉四世孫維邦會宏瀛臣

黎伯驪亂檢以兵會之宏瀛奔海陽自是不能赴關領職而貢使亦不能行矣隆慶中莫宏瀛卒萬曆元年子莫茂洽襲自嘉靖四十二年入貢迄十餘年方以期修貢蓋邦內多梗也其後黎維邦死鄭檢子松立維邦之子維潭松以師攻殺茂洽輔黎氏復據安南莫敬用竄居高平黎氏叩關求款督臣陳大科上言莫之篡黎其事逆黎之復讎其名正宜許其來歸於是築壇受其降如莫登庸故事降安南爲都統使司詔以維潭爲都統使給以銀印而予莫敬用高平令維潭毋得侵害安南復定按其國十三道道不過

中國一縣自黎氏以來雖奉貢稱藩然帝其國中如尉佗故事死則加諡稱宗黎暲之弑或曰鄭惟鏞爲之鄭宗強亡黎復黎皆鄭也鄭以清華爲重莫以都齋爲重維潭死子維新立時鄭松柄國不入貢者又十餘年維新死子維祺立補前違貢以兩貢同納遂爲例

本朝順治十七年安南都統莫敬曜納款求封號粵西撫于時曜以其率先歸附且欲爲黎氏勸具聞報可自後入貢相繼安南黎惟禔聞高平莫氏投誠隨亦遣使齋表款關康熙二年遣陪臣阮敷入貢

開化府誌

卷之八

兵防

里

朝廷頒賞有差護送歸國維禔未受封而殞五年上遣翰林院侍讀程芳朝齋印冊封黎維禧爲王先是敬曜來歸亦未受封而卒其子元清襲因受安南都統使及維禧爲王黎莫構隙尋兵不已六年維禧奪高平兵甚盛元清敗績且舊與歸順下雷各土司有隙無援路絕乃奔歸皈朝皈朝滇界也元清至皈朝行李一空男女老小不足三百口七年始聞於朝諸臣僉以黎氏擅兵宜討

上命暫移元清於南寧選內院侍讀李仙根往諭維禧令以高平還元清使臣抵安南維禧及其柄臣鄭憶相

持四十餘日始遵

旨以高平府及上琅下琅石林廣淵四州退還九年維禎卒維禔嗣十二年吳三桂反維禔與其臣鄭櫜復謀攻高平元清挈家奔歸順黎氏盡有高平之地十四年維禔卒弟維禎嗣十九年大師會剿雲南賴將軍大兵由剝隘進時元清已死其子莫敬光與泗城土官岑繼祿爲鄉導二十年雲南平維禎差陪臣鄧公瓚奉貢且言元清父子從逆事

上命將敬光家屬發回其國安插二十一年送敬光歸國敬光懼不敢歸未至關卽自縊死其弟敬明敬寶敬

開化府誌

卷之八

兵防

聖

暉皆脫走餘眷屬三百餘至安南維禎悉殺之是年鄭櫜死子椿復柄國事二十二年冊封黎維禎爲安南國王嘉其不從吳逆也二十八年禮部詰問莫敬暉事維禎具言莫黨通結彼國宣光人名寬行劫事跡粵撫王起元代之題達泗城土官歸順土官俱落職三十年維禎差阮名等奉貢齎奏本言莫敬暉莫敬暉居泗城田州土官妻以息女莫敬寶居廣南董寶寨妄稱僞號通結宣光人名寬及吳三桂殘黨肆行劫掠高平宣光興化等處又雲南開化土官侵彼國保樂州白的美豐粟廩有巢玉璽等社村渭川州

東蒙無咎牛羊蝴蝶普園各社崗興化處水尾州甘棠香山山腰呈爛花貫等崗及瓊崖州四崗昭晉州三崗廣陵黃崖合肥等州

詔滇粵督撫查察屬虛雍正五年安南黎維禔疏渭川州

與開化府接壤原以賭咒河為界即今馬白汛下之

小河交趾指為賭咒河

上命侍郎杭奕祿學士任蘭枝往諭事詳使命

賜以鉛廠河內地四十里今開化府遂以馬白關小賭咒

河為界

劉文徵曰交趾唐堯宅之漢州之逮吳割據亦然宋不競始失迄元之強大亦不能郡縣如漢也永樂初

開化府誌

卷之八

兵防

罟

破交趾立布政司以復漢舊尋又棄為外國豈地合散自有數抑人謀之不臧也永昌有指揮自交趾歷三世而家藏大珠獨異等伍則凡所以失民心而不可復者其以是耶今黎氏竄於海濱尚據數郡莫氏之境與廣南富州接又有交岡者介於滇交之間蓋彼亦裂而為三矣交人皆左衽蓬跣長技在銃與象臨安諸土司足為扞蔽尚未煩內地備禦也

按交趾自漢入為郡縣與番禺桂林同歸中國非屬彝附庸僅稱職貢比也洪武初陳氏奉國稱臣率先入貢太祖許為外藩不利土地及永樂中黎氏弑主盜國稱帝改元非徒得罪本國意實抗衡天朝俘馘其衆不得云暴編伍其地不得云貪也既分郡縣編置官僚垂三十年儼然宇下一旦匹夫犯順遽爾割土加王嗟乎是賞叛也是獎奸也若曰存亡繼絕則陳乃孤也以義當立黎乃賊也以法當誅若曰勤民畧遠則將立黎利乃定之矣若猶未也不如勿伐王通力屈而請和柳升再入而敗歿然後下詔遣使修好撤藩城下之盟耻同新鄭割地之議辱比敬塘矣夫文帝不加兵南越光武罷西城都護所謂量力度德懼啓兵端未有徒敗車奔師夷將隕形見勢絀恐

詬攘詢韓王按劍牛後魯連誓死帝秦而乃君臣相
賀自鳴聖德至於旌節符紱狼籍裔土將吏公卿流
離草莽戰士污魂哭聞中夜孤臣嘆血碧化千年計
其班師之日文武吏士攜家而歸者八萬六千六百
四十人爲黎賊遮留不遣者尙數萬人死者君其問
諸水濱生者不望生入玉門貽笑蠻方損威中國誰
秉國鈞至此極乎漢火方昌呼韓稽顙元成不競乃
棄珠崖唐美貞觀組加突厥文昭板蕩始棄維州宣
宗四海又安九州鼎盛王通敗因純袴柳升失在輕
浮乃拾捐之爲美譚比祖宗於穆滿夫曹公東下子
布請迎澶淵戒嚴堯臣勸避自古儒生狃安憚勞撫
經誤國二楊太平宰輔黼黻承明恒若有餘決機危
疑必形不足不然迎新主於遐方阿諛璫於末路豈
有立身朝堂進退狼狽而顧預籌闔外貽謀遠大者
哉夷考其後名爲陳後實爲黎竊嘉靖中黎世中葉
莫登庸復睥睨之黎又匍匐告哀朝臣又主二楊之
說而世宗赫怒竟伸天討兵未出於國門莫已父子
自縛泥首軍門削其王號世守吏職不聞其倔強自
大勞弊中國也所可異者太祖使沐英取雲南卽留
英世鎮滇中成祖使張輔取交趾不以輔留鎮彼國

開化府誌

卷之八

兵防

巽

二十年後并召還黃福禍發於中宮亂成於庸師勃
貂多魚特傲漏師短轅牴牾必敗乃公三百年來終
淪王化夫亦廟籌有遺策而春秋多責備也谷應泰
云然仍之

李仙根曰交趾卽安南卽交州卽日南西北自交岡
來故曰交趾東北界廣西東界廣東西界雲南西南
界老撾卽古哀牢南挿入大海中通占城秦漢時皆
郡縣也黎氏王國在富良江西後三峯山左安子山
右傘圓山挿入雲霄富良江左右纏抱前入大海亦
南荒一都會也所屬有十三道五十二府二百一十
九州縣都統莫氏惟高平一府四州在北隅之東居
俱無城郭其人披髮以香蠟梳之故不散跣足無
塵垢以地皆淨沙也男女衣皆大領無分別無屨褲
女有褶無圍屨其王與官或時冠帶鞞鞞然非其好
也稱其貴人曰翁茶翁茶者大官也其牛羊豬燒去
毛卽割而食之只有燒酒時刻喫檳榔惟睡夢方停
嚼耳每用藥物塗其齒黑而有光見人齒白者反笑
之惟王宮用黃瓦官民不敢用瓦以草苫楹棟以竹
房檐高四尺許門高不過三尺俛首折腰乃得出入
卽王殿檐高不過丈許其屋外多種刺竹甘蔗椰子

開化府誌

卷之八

兵防

異

諸樹其菓四時生長無定其氣候常煖其土產惟稻
無二麥有布最纖輕有蠶桑綿紬曰交兌素絹如畫
絹闊二尺多榕樹甘橘有波羅密菓如南瓜味微甜
中有子如刀豆子皆可食其象牙香藥綿花胡椒茴
香醬醋等物皆自外來者無棹椅特為使臣造二公
座甚高大其宴棹圓彩金漆高可尺許舩似花瓣其
文字與中土同另作數十字多加土傍與使臣往復
文書不用也臨賀公館在富良江之東去國二十里
許以竹為牆每天使至一次則加竹一重其風俗淫
蕩無耻洗浴便溺男女裸體往來坐立不相迴避雖
貴家亦然其豪家稍有床褥平民則無貴者以網為
簾兩人擡之大貴者有轎似車上轎盤腳坐或用八
人四人擡之最可笑者其王傘扇轎夫全體俱露止
用一股青布纏腰從尻下褻勒至臍雖寒天不著寸
衣又皆形狀肥實名曰好漢聞多係殺人援赦者其
兵止穿大袖青衣一件天暑即裸并無甲冑其器械
尚銃藤牌鎗刀諸物頗精於飾以之大用殆不足也
頗讀書知文字而好怪異無傳授不甚貫通尚巫鬼
不奉二氏之教以能強言者為功故根有四字批評
曰愚曰疑曰詐曰傲愚則不認理疑則不信人言詐
則其言不可信傲則自謂無罪也此四字如銅牆鐵
壁牢不可破今幸邀成

命而返者在筆墨唇舌不無勞費要之皆
聖天子弘福廟堂勝算各邊臣措置威風有以警之使不
得不聽從耳

高熊徵曰余調思明正與交趾接壤詢之故老康熙
十三年吳逆叛交彛乘亂屢破思陵州殺其官母擄
其官男且勾通十萬山賊并破思明府念僧等村光
復以來思陵疊控侵地先經郡丞李公仙齡再經郡
丞謝公樞齡復經泗城郡丞潘公麒姓迨余郡丞陳
公達二十六年二十七年二十八年又三次往勘始
有定議彛情狡獪有自來矣余按思明抵南關僅百
餘里南關抵交州不過四百八十里許惟諒山至鬼
門關此百里間山環林密溪澗頗多稍勤跋涉耳餘
俱平坦大道不濘不沙可以方軌聯轡渡富良江即
為交州非有劍閣陰平之險長江天塹之限也且其
州無城垣民皆草屋又非有高城深池之可憑恃也
奈何前輩之論咸美三楊以為老成碩畫未易為少
年喜功者道耶

按康熙三十年二月維祺奉貢差陪臣阮名儒阮貴德阮廷策陳璫等復賚奏本言莫敬暉莫敬暉居於泗城田州土官妻以息女莫敬寶等居於廣南董寶寨妄稱偽號敬暉呼為二王敬寶呼為三王敬暉呼為四王通結彼國宣光人名寬及三桂殘黨姓方姓王肆行劫掠彼國高平宣光興化等地方又雲南開化土官侵佔其國宣光處保樂州百的美豐粟廩有巢玉璽等社村渭川州東蒙無咎牛羊蝴蝶普園各社崗村興化處水尾州甘棠香山山腰呈爛花真等崗之二十八村蒙自縣土官侵佔其國興化處水尾州呈函崗之二十五村鄰州儂姓則侵佔其國興化處瓊崖州四崗昭晉州三崗廣黃岩合肥等州

詔滇粵督撫查察經總督范承勳題覆該臣看得安南國王黎維禎奏請查發莫姓黨輩竝鄰界土官侵佔該國州崗村民一案行滇粵督撫嚴行查緝竝有無侵佔查明具題等因奉旨莫姓人等着該督撫盡行查出交安南國餘依議欽此移咨到臣臣隨欽遵行據按察司修會同布政司于糧道張詳據廣南府開化府臨安府轉詳前來臣覆查安南國所稱土司侵佔該國州崗村民之

開化府誌

卷之八

兵防

七

處除廣南地方有安龍等三小寨交界安南有河為限臨安見屬地方已與交阻隔絕外惟開化東安等里與安南接壤即所稱之牛羊蝴蝶普園等處乃自順治十七年間即編夷糧在蒙自縣輸納至康熙五年改設開化府隨即撥為東安里先經題報有案即使從前果屬該國州崗見今入於內地版圖已經三十餘年原無土司侵佔其地至莫姓黨輩臨開廣三府各稱徧查無踪原具甘結則是莫黨無憑查交該國除將報到印結送部稿案糧冊塵朽發回外臣謹會題乾隆二十二年安南國洮河道長支首號左銳奇該官都校點司右校點金嶺侯阮日載協謀首號後勝奇該官都總兵俠敦恭侯阮表敦等稟為公文事由本國自庚申年潢池弄甲邊方多警東征西討未遑啓處而

上國沙儂匪輩更擾本國興化處其虐愈滋於客年四月日沙儂等衆再援質賊黨羽合夥攔下鎮江東瑠等地方設立屯壘肆行劫掠日者溪河泛溢未便進攻於今內難削平中土寧謐僅存蕞爾彈丸寧容駭駭仍於客年冬季臣等奉國王命將京兵僅三千人公象五隻雄馬數十匹戰江十隻輕舟四十隻竝

宣光藩臣七號與下路屯及隨征力戰等進抵洮河
上游綏撫蠻民勦除寇賊本年正月至茲已拔東坑
鎮江春牢武牢等賊屯俘獲頗多遺者七零八落詣
軍卿草苦乞投降如居香山崗李守同李春富居山
腰崗陸天貴黃公拜居甘棠崗張文魁黃正元黃文
郊何文保何文諭何文賞陸文歐陸文引居屯通崗
陸文會常兵奇黃兵工居五福千總床等並是豪目
各將徒黨就降懇乞立功雪恥臣等存當權駐屯通
一面分佈寧挿又別立屯所在效年屯通等地面量
差官兵按守監督降臣武過寇盜保寧方民一面緝
拿崖谷哨捕遺姦俾絕猶偷以復舊土照得本國地
界舊夾內地自北察店各有成規今竊見謳河之北
乃本國山腰地分而

上國竝設巡店經二日程揣知本國事

上國禮則君臣山川有限第於前年本國方奮四征綏
圖邊事寔賴

上國尊大老爺體及鄰情撥兵遠按俾地方獲保無虞
不勝仰荷茲洮河一帶竝已清平氓隸遺民稍已還
集伏乞照內事理仍依舊額抽這巡店回北察處俾
尺土寸民復還本國以副邊情之望臣等不勝仰荷

開化府誌

卷之八

兵防

哭

之至謹具稟以聞後載景興拾捌年二月二十日具
經開鎮總兵王澄知府湯大賓據稟飭行云本月初
四日接據該國投到公文一件據稱洮河一帶竝已
清平氓隸遺民稍已還集竊見謳河之北乃本國山
腰地分而 上國竝設巡店經二日程伏祈仍依舊
額抽這巡店回北察處等情據此照得

天朝皇上聖德武功超邁千古大無外之規模公無私之
德意凡薄海內外莫不梯航重譯服教畏威即爾國
安南素徵信義極其恭順而我

至尊推誠布公亦從無岐視歷年以來邊界一帶爾國沙
匪擾攘邊民驚怖爾等懦弱不能自爲震揖全賴
天朝整肅軍威撥令防邊兵練代爾等張揚聲勢每每克
捷不一而足此固爾等所宜感激者也至如中外分
疆立界原有定地豈容紊亂我

國家奄有四海普天之下莫非王土即本嶺等奉
天子命鎮守開陽與安南國王誼切鄰封莫不仰體
君恩

憲德和衷協恭豈有爭佔外國地土之理况查沿邊
地方聞以大河爲界河之南屬爾國河之北即係
天朝現有輿圖可據今據爾謳河之北係爾國山腰地分

等語殊屬悖謬查山腰河口歸入版圖完納錢糧由來已久因該地與爾國接壤惟恐交匪過河滋事是以安置卡房既撥土練復設官兵防守堵禦以安內外冊籍可稽輿圖可考從未聞有交國地界之說今突然稟請將山腰抽回北察甚屬詫異再查內地並無北察地名只有壩洒地方現有官員帶領兵丁鎮守彈壓歷有年所竝無更易爾等何得以舊有成規字句混請抽設冒昧可知再山腰河口向屬天朝地界有憑有據今爾等以妄誕不經之語公然具稟混請分爭獨不思當日中外分界之時爾國王不勝感激涕零披肝瀝胆備極誠悃爾等應宜仰體國王恭恪之不暇乃敢有無厭之望覬覦山腰內地與圖侵佔以啓爭端以激邊釁既失詳審之宜更違恭順之體大干

天朝功令諒爾國王必無是心爾等臣屬亦決無是理特恐悞聽奸究唆聳以致率爾妄稟亦未可定合亟輝飭爲此牌仰安南國洮河等處官屬遵照文到速卽愧悔痛改前非照舊各守各界毋自執迷不悟再生覬覦蓋本嶺蒙皇上特簡之恩鎖鑰滇南半壁止知清釐邊界控馭交崗

開化府誌

卷之八

兵防

完

斷不肯委靡坐聽爾等之侵佔此萬萬不然之事也凜之慎之須至牌者